

Biblioteca a haya bishita di Minister sra. Michelle Hooyboer-Winklaar



Diabierna merdia Minister Hooyboer-Winklaar a bin cera conoci cu biblioteca na Playa y su personal. Minister sra. Michelle Hooyboer-Winklaar ta

minister di Enseñanza, Maneho di famia y Educacion di adulto bao di cual biblioteca ta resorta, sra. Michelle Hooyboer-Winklaar. E bishita tabata e prome

bishita di trabao oficial desde cu e Gabinete Eman II a keda instala. Directora di Biblioteca Nacional Aruba a ricibi minister y su delegacion cu man habri. A anticipa e bishita aki di hopi dia y directiva tabata contento di por a duna minister un recorido den edificio principal na Oranjestad. A pasa den tur departamento y a saluda tur empleado. Directora di Biblioteca a duna un splicacion di e diferente trabaonan cu ta wordo haci. Despues di e recorido sra. Britten y sra. Semeleer, hefe suplente, a sinta na mesa cu minister y su team. Diferente punto importante pa biblioteca y pa maneho di minister a wordo trata. Na diferente ocasion minister a expresa e importancia di lesamento y di brinda publico e acceso optimal na biblioteca como parti di su vision. Segun directie di BNA e bishita a bay bon y e tabata un placer pa por a conversa cu minister riba diferente asunto, tambe



directiva ta contento cu e interes y sosten cu minister ta demostra pa e trabao di biblioteca y e desaroyonan riba e tereno aki. Minister

Hooyboer-Winklaar ta bay sucursal San Nicolas y Dept. Arubiana tambe den un proximo bishita.